

## PAULO ĜENA TORETORE FILEMONA ĜENA

Filemona vaĝa-foforina guruĝari

Paulo na mai fefa tu Filemona ĝena Roma dibura gabuna na etoreato. Mai fefa tu laĝani 60 ma 61 fakari nuĝanai ta etoreato, mo tu Iesu emaseto murinai vau.

Mai fefa anina baregona tu “Veĝabi-raĝe ĝenoĝoi”. Ma siri baregori mai fefai tu siri 15 ema 16.

Paulo na Filemona mai fefa etore-viniato korana tu ĝena ura, 1) Filemona bene kiraia, Onesimo ma bene ĝabi-raĝea tarikaka maĝurinai; 2) Filemona bene kira-varaia, ĝia tu dibura na dori eraka-rosini, ma beraka-rosini ĝaronai tu Filemona bea raka-ĝitaiani.

Paulo na Filemona ĝena mai fefa tu maiĝesina eboioĝaiato:

1. Paulo na Filemona evaĝa-veiaviato - siri 1-7
2. Paulo na Onesimo iatanai Filemona enoĝiato - siri 8-21
3. Veĝabituĝu ĝuruĝari ekiraĝirito - siri 22-25

<sup>1</sup> Au Paulo, Keriso Iesu ĝaramanai diburai atanuni tarimagu, ema tarikakara Timoteo, ĝemana eiāgosini.

Ĝauvei sebona ĝaveiani tarimana e ĝatama namona Filemona ĝemu atore-vinimuni.

<sup>2</sup> Ema tobara Afia, ema ĝatara namona, Barau ĝena vetari nuĝanai iauka rekenai, Arekipo, ema

gōina numai gēvegogoni ekalesiari gēri atorevinirini.

<sup>3</sup> Tamara Barau ema Veregāuka Iesu Keriso gērina maino ema varevare-bara gēmi ai bene tanu.

*Filemona gēna veuravini ema veḡabidadama*

<sup>4</sup> Filemona, gēgu Barau atanikiu-viniani ema vanāḡivanāḡi gēgu gāuḡau ai akiraḡimuni,

<sup>5</sup> korana gēmu veḡabidadama Veregāuka Iesu gēnai ema gēmu veuravini Barau gēna veaḡa tarimari mabarari gēri ai aseḡaḡimuni nai.

<sup>6</sup> Moḡa lorinai aḡuriḡurini gēmu veḡabidadama bono vari-fiua tarima tari gēri gāna, be dagara namori taḡaunarini Keriso gēnai taveḡabidadamani lorinai, bono riba-ḡitakauri.

<sup>7</sup> Moḡoni, tarikakagu, gēmu veuravini na evaḡa-iaku rakavaguto ema elaunaḡi-rakavaguto, korana gōi na veaḡa tarimari nuḡari ovaḡa-kokorerito.

*Paulo gēna noḡinoḡi*

<sup>8</sup> Au tu nuḡagu gwaḡiḡi Keriso nuḡanai gōi bara kiramū kara boro vei,

<sup>9</sup> senaḡi veuravini nuḡanai moḡo anoḡimuni gēmu veuravini dainai. Mai tu au, Paulo, baḡauka ema Keriso Iesu ḡaramanai diburai maiḡegu.

<sup>10</sup> Onesimo, au natugu, uranai anoḡimuni. Ġia tu Keriso nuḡanai au natugu ai eiāḡoto, korana au roḡo dibura numana nuḡanai, iaukai ḡia tamanai aiaḡoto.

<sup>11</sup> Guinenai ḡia tu asi namo gōi gēmu ai, senaḡina toma vetuḡunaḡi iaḡovininai ḡia tu ilaila

nai, ġoi na oura-viniani ema au na maki aura-viniani.

<sup>12</sup> Ġia tu au lorugu ġutuna, mai atuġu-iaġosi ġenoġoiani, be bono ġabi-raġea.

<sup>13</sup> Au ġegu ura ġia tu mainai bana ġabi-taria au sevigu ai, be ġoi gabumu bene ġabia au bere vaġa-kavaġu, au Vari Namona ġaramanai roġo diburai nuġanai.

<sup>14</sup> Senaġi ġegu ura ġoi na maoro boro vinigu vau bara ġabi-taria, moġesi naima asi aġabi-tariato. Au asi aurani maki ġoi bana kiramu kara bono veia. Au ġegu tuġamaġi, bema veiġa namori tari au durudurugu ġana bourani veiveiri nai tu, nuġamu sigai moġo bono veiri.

<sup>15</sup> Betaġu ġoi ġemuna Onesimo eveġitato ġaro kotuna anina tu, ma boġabi-ġenoġoiani nai tu, ġoi ġesi bene tanu-vanaġi vanaġi ġana.

<sup>16</sup> Dia ġemu tuġu-rakaorakao tarimana asi voina moġo. Asiġina. Moġoni, ġia tu ġemu vetuġunaġi tarimana, senaġi ġia toma tu ġoi tarikakamu moġoninai beiaġo, naima bono ura-vinia. Au na ġia tu anari-ġitakauani nuġaġu mabarana ġesi, ema ġoi na maki bouravini-lelevaġiani nuġamu mabarana ġesi. Ġia boura-viniani ema boġabi-raġeani tarima ta ema Vereġauka nuġanai tarikaka ta.

<sup>17</sup> Bema au oġabi-raġeguni ġoi ġatamu, Onesimo maki bono ġabi-raġea au boġabi-raġeguni ilailanai.

<sup>18</sup> Bema kerere ta eveiato ġoi ġemu ai o ma ġena ġabitore ġoi ġemu ai nai tu, au aragu ai bono toreri.

19 Au Paulo ġimagu na mai fefa atoreani. Mo ġabitore tu voiri mabarari bavini-ġenoġoimuni. Ġoi maki ma ġemu ġabitore au ġegu ai. Ġoi maġuri tu au ġeguna oġoitaġoato, senaġi manġeri tu asi bita kiraġirini.

20 Be, tarikakagu Vereġauka nuġanai, mani ġemu veiġa ġegu noġinoġi bono ġabi-raġea. Ġita taura ruarua tu Keriso nuġanai tatanuni, be bono vaġa-iakugu.

21 Ġemu seġaġi ai avetuġa-maġikauni nai batorevinimu. Au ribagu, dia anoġimuni veiġari moġo boveirini, senaġi veiġa namori boruri maki boveini.

22 Dagara ta maia. Ġegu gena daiġutuna ta bono ġabi-torea, korana atuġamaġini, Barau na ġemi ġauġau beġabi-raġeani, be beġabi-iaġosiguni ġemi ai.

### *Vevaġa-namo guruġari*

23 Epafra, Keriso Iesu ġaramanai au ġesi dibura numanai ġatanuni, ġia na evaġa-namomuni.

24 Ema Mareko, Aristako, Dema ema Luka au ġesi ġaġauvei-sebonani tarimari, ġia na maki ġeri vevaġa-namo ġevinimuni.

25 Vereġauka Iesu Keriso ġena varevare-bara mabarami ġemi ai bene tanu.

**GINITAŌ VARIŪUNA**  
**The New Testament in the Sinaugoro Language of**  
**Papua New Guinea**  
**Nupela Testamen long tokples Sinaugoro long Niugini**  
Copyright © 1995 The Bible Society of Papua New Guinea

Language: Sinaugoro

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-20

---

PDF generated using Haiola and XeLaTeX on 18 Apr 2025 from source files dated 31 Aug 2023

a998e4ce-f2f7-5577-968e-5d2feef358f1